

NVNCE T EM
PVSETRES POSTVLANT VT
QVÆ SOLENNES CEREMO-
NIAE DEBENT TRACTA-
ri à me pera-
gantur.



QUare primo tibi ex institutoe Sreniss: piæ memo-
riæ Imperatoris Maximiliani do annulum aureum; mo-
neo te hac ceremonia ut cogites vniuersam Encyclope-
diam ad bonum Poëtam spectare.

Secundo propono tibi librum apertum ut memine-
ris te linguarum ac artium bonarum studio & bonoru-
autorum lectione occupatum esse, atq; ad imitationem
optimorum te componere debere. In historias deniq;
& scripta Poëtica, quæ præsertim ad bonos mores for-
mandos spectant, tanquam in speculum inspicere iu-
beo.

Hortor autem te in primis hoc loco ut morum mo-
destiam, quæ hactenus te nobis commendauit se teris:
ac custodias, longè furorem Poëticum flagitosum il-
lum fugias.

Est genus hominum qui se optimos Poëtas putane-
nec sunt, imo ne Poëtæ quidem sunt, ij serio illud Poë-
tae:

te imitantur. Aude aliquid breuibus Gyaris & carcere
dignum, si vis esse aliquid, &c.

Primo enim illi deliberato consilio stultescunt pau-
lo post ex stultis insani sponte fiunt, hinc nihil inau-
sum & intactum relinquunt, ut sub figmento illius sce-
lerati furoris, quam boni sint Poëtæ & viri se indi-
cent. Sed mehercle iij cogitare debebant vitia vix stu-
dio & diligentia regendi vitam celari posse, tantum
abest ut laudem mereantur, si se ut Sorices suo iudicio
produnt, atq; scurras immodestos & ebriosas sues pro-
bonarum literarum studiolis ostentant & alijs execra-
dos proponunt.

Sed tu quocunq; modo potes horum scelera execra-
re, ac alijs ostende non legitimum furorem Poëticum:
hunc esse, sic fiet ut illi dignum suo furore præmium
accipiāt, & honor ac dignitas Poëticæ professionis de-
fendatur. Furor Poëticus afflatus quidam est ex quo
animi affectus vel motus proficiscitur, qui Græcis pro-
trepticus dicitur, similimus illi, quo iuuenes puellas de-
pereunt, Vrq; illi amatores puellas cum quodam furo-
re & impetu, sic hoc furore capti bonas artes prosequū-
tur, cumq; affectus impetu suo foras in actiones se pro-
fundat, & cogitatio mentem in varias res distrahat, hi
æquè ut illi pro ratione obiectorum negotiorum sub-
inceptiores interdum spectatur nihil autem sceleratum:
& spontaneæ insanæ ostendunt.

Fatendum quidem est hilariores s^epē numero & animosiores esse bonos Poëtas non occupatos laboribus & studijs, neq^{ue} mirum id quidem. Agilitas enim spirituum subtiliorū & calor cordis, amorisq^{ue} fero^r quo & literarum studia prosequuntur & operum suscep^rorum successum sperant hoc efficit, Neq^{ue} prætereo hoc loco cum nascantur Poëtæ potius quam fiant, quod raro egregia ad hexim dispositio ex astris oriatur & spiritu illo coelesti agitetur, sine potenti & foelici positu Martis cum alijs constellationibus huc spectantibus, æque ut Mathematicis & subtilioribus mechanicis cōtingit. Possem hoc nō modo exemplis, sed rationibus etiam multis confirmare.

Verum ad te redeo Ecardē & tibi nunc demum lauream coronam ab Imperatore Sacratiss. Maximiliano ad hoc deputatam impono, per hoc te moneo ut res dignas immortalitate tractes. Postremo osculum pacis offero quo quidem concordiæ & pietatis te memorem esse iubeo, Ut autem scelerati est mouere seditiones, turbare hominum tranquillitatem, Ita anilis animi esse puta, & grande contra iustitiam ac pias leges peccatum quilibet à quolibet iniurias pati, sed tam legitime te repellere iubeo.

His peractis Ego nomine loco & autoritate Invictiss: Imperatoris Ferdinandi I. P. F. P. P. consente Sereniss. Bohemorum Rege Maximiliano optimo

mo Principe Poëta Laureatū te creo & in nomine in
diuiduae Trinitatis Patris, Filij & spiritus Sancti re-
nuntio. Et confero tibi dona priuilegiaq; omnia ad
Poëtas spectantia. Et do potestatem legendi, profiten-
di, & in honestis ac concessis materijs, hic & vbiq; lo-
corum in vniuerso Romano Imperio, commentandi,
Atq; ut quid sentiam de Poësi porro intelligas, hanc
breuem Elegiam de Insula Poëtarum & propter te &
auditores recito.

DESCRIPTIO

INSVLÆ POE-

TARVM.



Tempus erat prono quo Sol agit aurea curru
Lumina sub fluctus Hesperis vnda tuos
Quando Viennensi ductum me nuper ab vrbe
Parua procellosa cymba vehebat aqua.
Quæ mihi proposui modo tangere, tangere rura
Nox vetat, in medijs me quia cingit aquis
Applicat ad ripæ latus vdam Nauita cymbam,
Atq; ait hospitium sylua sit ista tibi.

Egre: